



Čuvanje djece

Kanton Bern podržava usluge čuvanja djece, tako da se očevi i majke mogu vratiti na posao nakon rođenja djeteta. Postoje razne ponude, na primjer dnevni centri, škole s boravkom ili porodice koje čuvaju djecu. Većina ovih ponuda je povezana sa troškovima. Međutim, oni roditelji koji dobiju vaučere za čuvanje djece (Betreuungsgutscheine|bons de garde) moraju platiti manje.

Dječije obdanište

U dječijim obdaništima (Kindertagesstätten|garderies) su djeca zbrinuta cijeli dan. Većina ponuda se odnosi na djecu u dobi od 3 godine pa do polaska u školu. Neka obdaništa imaju i ponude za djecu školskog uzrasta (prije i poslije škole i za vrijeme ručka). Pošto su liste čekanja obično duge, roditelji trebaju dijete što ranije prijaviti. Troškovi nisu isti za sva obdaništa. Mnoge opštine plaćaju dio troškova: roditeljima daju bonove/vaučere za njegu. Potreba mora biti dokazana. Informacije o prijavama i troškovima se dobivaju u obdaništu ili u opštini.

Igraonice

Prije polaska u školu mnoga djeca posjećuju igraonice (Spielgruppe|Groupe de jeu). Djeca starija od 3 godine borave tu bez njihovih roditelja i igraju se zajedno pod nadzorom obučene njegovateljice. Posjeta igraonici je dobrovoljna. Posebno za djecu, koja ne govore kod kuće njemački ili francuski igraonica je dobra mogućnost da se dođe u kontakt sa njemačkim ili francuskim jezikom. Ova okolnost olakšava polazak u školu. Igraonice postoje u mnogim opštinama i kod njih se može dobiti više informacija.

Dnevni boravak / Ručak

Neke škole nude pored nastave i dnevni boravak. To ovisi od broja prijava. U školama sa dnevnim boravcima djeca mogu ostati, na primjer, za vrijeme ručka i tu dobiti obrok. Nakon nastave mogu da tu urade domaće zadatke uz podršku odraslih osoba. Prije škole mogu nešto pojesti, igrati se ili čitati. Troškove snose roditelji. Tarife su često zavisne od zarade roditelja. Dijete može tamo boraviti jedan ili više dana u sedmici.

Dnevni boravak u školi / Ručak

Porodice koje čuvaju djecu (Tagesfamilien) su porodice koje primaju djecu i paze ih kod sebe određeno vrijeme, najčešće preko cijelog dana. Ovaj način čuvanja djece je kod roditelja omiljen. Postoje specijalna mjesta koja posreduju (Vermittlungsstellen) kod traženja odgovarajuće porodice i kojima se može informisati o cijenama usluga.



Babysitter / Vanredne situacije

U Švicarskoj se i tinejdžeri bave čuvanjem djece, uveče ili preko vikenda. Švicarski crveni krst (SRK|CRS) Bern vodi listu posrednika pri traženju osoba koje su završile kurs za čuvanje djece. Običaj je da se tinejdžerima plati za njihov rad. U nepredvidljivim i hitnim slučajevima Švicarski crveni krst (SRK|CRS) Bern takođe nudi preuzimanje brige o djeci. Na primjer, ako roditelj zbog bolesti mora otići u bolnicu i nema nikog drugog da brine o djetetu. Ova usluga se plaća, međutim neka zdravstvena osiguranja preuzimaju troškove.

Više informacija (linkovi, adrese, brošure, informacioni listovi)

www.hallo-bern.ch/hr/partnerstvo-i-djeca/uvanje-djec